

1712

M. 646 n<sup>o</sup> 23

PRIMÆ  
INNOCENTIAE  
REDITVS  
AD  
CONCEPTAM  
VIRGINEM.

Vtriusque linguæ obsequijs exceptus.

à

FRANCISCO MARIA CIARLINO VRBIN.  
GABRIELI BENIO ROMANO.  
FRANCISCO OLIVERIO TIBVRTINO.

Sem. Rom. Cler.



ROMÆ, Apud Franciscum Caballum.  
M. DC. XXXIII.

SVPPRIORVM PERMISSV.

179

CONCEPTUAL  
REVIEW

1970-1971  
1972-1973  
1974-1975



# INNOCENTIAE VIRGINALI

diuinam beneuolentiam gratulatur.

O R A T O R

FRANC. MARIA CIARLINVS VRB.



**D**I VINVM sanè semper fuit, odia Charitate, iracundiam misericordia, ultionem beneficentia temperare; adeo non solum obsequia mortalium perenni felicitate remuneratur, sed ipsorum etiam culpas Amoris inaudito miraculo planè facit esse felices, vt humanis sceleribus iacta pœnarum semina diuinæ calore charitatis felicissimè degenerent in copiosam messem cumulatiissimæ faustitatis. Elucet hoc ipsum miris modis in eo diuinæ commiserationis decreto, quod, dum genus humanum primæ innocentie integritate multatur in hominum Patre, eadem simul ornatissimè decoratur in Dei Matre; nec prius penè irascentis Dei sententia è terris expellitur Innocentia, quam eiusdem misereantis patrocínio gloriosius reuocatur in terras ad suas opes explicandas in Virgine. Hoc ipsum igitur consultum in diuinitatis curia, vt arbitramur diuino Amore perorante rescriptum de reditu primæ Innocentie ad singularem Dei Parentis decorem, si placet, breuiter prosequamur. Lex est iustissimæ indignationis diuinæ altè mortalium impressa Natura, vt omnes filij non vitam modo, sibi trahant à parentibus, sed etiam corruptionis labem, & initia mortalitatis. At vero quæ

A 2

ad

ad progignendam vitam, vitæq. Reparatorem destinabatur, non  
certè mortalem tabem à parentibus haurire debuit, sed vitale in-  
tegritatem à filio, nec illum sanguinem virginalem par erat im-  
purum fuisse potius, quod ab infectis parentibus deduceretur,  
quam omnino sacrosanctum, & innocentem, quod ab eodem Di-  
uina Sanctitas, & Innocentia erat sibi vitam, & sanguinem dedu-  
ctura. An plus illi turpitudinis attulisset. Heu, fuisse filiam, quam  
amplitudinis Dei matrem futuram? An in gratiosissima Deo  
forma plus Naturæ prauitas conaretur ad maculam, quam gratiæ  
dignitas ad vitæ? An lex publica famulorum ad poenam, Re-  
ginæ gloriam prohibere? An ira legislatoris in populos, Matris  
patibulum non caueret? Mortalis naturæ vires longè transcendit,  
ut matrem sibi filius procreet, & ante generationis, ac vitæ bene-  
ficiū acceptum à Matre, eandem euocet ad vitæ lucem; is verò  
qui suscipit naturā necessariò prius esse debuit à Deo Patre Deus  
Filius, quam impellente misericordia aliquādo nasceretur à Vir-  
gine Deus homo, quid laudis, quid integritatis, & gloriæ mater-  
næ pulchritudini non decreuit? Quæ virtutum ornamenta con-  
cipi poterant in mortali, quæ copiosissimè non cumulauit in Ma-  
tre? In cætera sanctitatis decora sic Virgo accepit à filio, ut pro  
communī mortalium conditione sui laboris industria sibi com-  
parare potuerit; ac verò innocentem concipi nunquam esse, nisi  
purissima integritate spectabilem; nullam in se impressam habere,  
nisi diuinæ beneuolentiæ notam, ac tesseram, id enim vero so-  
lius filij beneficiū esse poterat singulare. Parenti naufragæ dex-  
teram porrigere, si possit filius, lege pietatis debet; sed prius vltis  
tulpicere, quam naufragium faciat, diuinæ fuerat pietatis miracu-  
lum matri vltimarum futura obsequia rependentis. Quod si Plato-  
niæ sapientiæ fuit oraculum; sapientes in aureo cratere animā,  
spiritumq. primum exfugere: Sapientia Diuina quoniam in cra-  
tere vitam propinare debuit parenti suæ, nisi primo in auro in-  
nocentis ætatis? quin crater ille, ex quo vitam humanam ipsa Dei

n<sup>o</sup> tia erat hauſtura, ex auro verè virgineo conſlari debuit nulla ſordis commixtione deprauato. Par itaq; fuit, vas admirabile ad diuinæ ſuauiſſimæ odoramenta ſuſum igne cœleſti ſupra naturæ conditionem nullam tranſuſæ noxæ contagionem olere; & quod tanquam opus excelsi diuina veritas cōmendabat, nullam potuit in eo lineam ducere mortalis deformitas. Quid, quod filius patris eſt imago viua, non ex artis, ſed ex Naturæ pictura? Vnde nam filio matrem architectanti petendum erat integritatis exemplum, niſi, quantum fas erat, à ſemetipſo? Vt prius filij ſimilitudo, eiſdē munere imprimeretur in matre, quam ab eadem, naturæ operatransfunderetur in filium. Tantæ igitur ſimilitudinis nitorem omnibus abſolutum partibus ſanciuſ in Virgine diuina beneficentia, & quam ſœditatis maculam naturæ humanæ corruptio minitabatur, diuinę cognationis cōmunicatio procul auertit. Horruit mortalitatis reæ ſupplicium illam aggredi, in cuius vtero iudex ipſe diuinus quaſi ex Amoris tribunali erat iura clemētia, non ſe ueritatis daturus: nec auſa eſt pœna conditionis humanę eo proſilire, vbi diuinæ munificentia dona parabantur mortalibus; Quare diuinum vlticis iuſtitia decretum de primi ſcleris hæc dictaria poſteris ſœditate, Virginē etiam horrendi carminis lege multaffet, niſi eadem iuſtitia in ipſa Virgine diuinæ miſericordia ſacrarium, diuiniq. Verbi cauſam hominis infantia perorantis ſuſceptum anguſtiſſimum reperiffet. Proſpiciebat illa immortalis innocentie candorem in valle mileræ mortalitatis erumpentem in florem, vt odore diuino grauitatem humanæ corruptionis opprimeret, & ſuccos etiam innocentiffimos ad candidiſſimi ſloris alimentum non denegabat in germine virginali. Quid enim diuinę iuſtitia indignatio teterrimi putoris multam irrogaret illi, quam diuinæ clementia charitatis ſibi formandæ ſuſceperat in terris ad ſuas delicias, ad complexus, ad oſcula, ad leuamentum mortalitatis aſſumptæ? Diſſoluunt amoris incendia vim iracundia, nec ipſe furor iraſci poteſt inter aſtus amabiles charitatis; quæ igitur in

puella summis ardoribus amanti Dei sibi decreta diuini nota furoris inureretur? quæ supplicij fieret mentio in Amoris, hoc est munerum largitoris chirographo? quis iracundiæ character insit in beneuolentiæ diuinæ rescripto? Quod tandē ius Auernalis carnifex agnoscat suum in diuinis tabulis, vel æterni Parentis sibi adoptantis filiam ad rerum omnium imperium; vel amantißimi filij sibi matrem conformantis ad opulentiam suorum munerū; vel sanctißimi Amoris sibi Virginem desponsantis cum amplissima dote integerrimæ sanctitatis? Tāti fecit Dei Matrem diuina Curia, vt in decernenda Dei filio humanitate, nō prius illam diuinitatis afflatu fecundandam voluerit, quam per cœlestem legationem eiusdem postularetur assensus; consulitur à Diuino Senatu voluntas Virginis in decreto sibi honorificentißimo; ecquid sancitum credamus eo consulto de Virgine procreanda, de quo cū ipsa consuli non posset, Matris voluntas cōsulebatur in Filio? Quod si iacturam Virginitatis Pudoris Regina sic exhorruit, vt ad propositum Matris nomen, filijque licet Dei sacrosanctam appellationē hæsitaret, pedemque quodammodo referret; si alterutrum necesse fuërit, Virgo potius, quam Dei Parens futura; Quis horror, Deus immortalis! fuisset, quæ trepidatio, si de iactura innocentia, sine qua sordet pudoris, & virtutum omnium nitor anxia puellula dubitasset? Et quantū Matris horror perfringere t Filiū, si quid pro communi decreto de Matris innocentia detraheretur? O prodigiosam infantulam diuinæ beneuolentiæ singulare portentum! quæ prius quam esse possis in rerum luce, habebas in diuino Consilio Filium decori tuo patrocinantem. Iam quid amplius addam de Virginis innocentia primigenia? Sileat certè mortalis eloquentia venerabunda, quando Dei Verbū pro Matris intaminata pulchritudine eloquentißimus est Orator. Ab ipsa potius operosis vocibus pietatis, & religiosißima clientela patrocinium exoremus, cui sane, si nondū Conceptæ Dei filius patronus fuit; quid erit ad maiestatem Matris, ad Cœli terræq. dominationem cunctæ?

# MELOS PRIMVM.



*Lux ætheris aurea,  
O Numinis voluptas,  
Felicitat's sospita Innocentia,  
Linque supremi culmina mundi,  
Et nectaris fluentia,  
Et regiam leporum,  
Linque Cælum, linque Stellas, linque fontes luminum.  
Forma Diuino radiata Sole  
Concepta clavis Aetheris æstibus  
Virgo felices beat ore terras.  
Illa illa tuos decet amplexus.  
Quidquid Pupula quidquid est  
Albicans est siderum ros,  
Purpurans est ætheris flos.  
Purum integritas excipe rorem;  
Et Vnionem concha beatior  
Educa; Cælum rapies & astra.  
Florem Colona Numinis  
Diuina ambrosæ fontibus irriga;  
Solem, Sidera, Cælites, Tonantem  
Trabes micantis floris ad venustatem.  
Dignitas forma, species decoris  
Claro certat Olympo.  
Quin & Iudice Numine  
Tantum Virgineis cedit fulgoribus æther:  
Quantum Regina famulatrix regia cedit.*





ΑΙΡΕ χθονὸς καύχημα, βροτῶν κλέος, Ὀχρος οὐλύμπου,  
 Τάρβος ὑποχθονίαις, θαμβος ἐν ἀθανάτοις,  
 Παρθενίης φῶτισμα, φίλον τέκος, ὄξοχόν ἔρχον  
 Παιδοτελὲς χαρίτων, τῶν ἀρετῶν τὸ σέλας,

Τίκνον, ἐμοὶ ᾧ γέλωτος ἐράσμια χάρματ' ᾧ πῆζον,  
 Ἐνθιον Ἀγνίας ὄμμασιν ὄμμα βάλε.

Σὴ βέλους ὄψις ἔχει, ἄμα δὲ καθαρῶσα Τιτρώσκεις,  
 Ἀλλ' ἄμα τῇ πλεγῇ καὶ πατάκων ἀγνίας,

Παρθένη, πυρροφόρον σοῖς φάσι θῆκε φανέρην,  
 Σοῖς δὲ βελῶν ἀκμῶν ὄψις, Θῆος Ἐρως.





116  
INNOCENTIAE  
SALVTATIONEM  
AD VIRGINEM

Latine reddite

GABRIEL BENIVS ROMANVS.

**L**VCIS opus salue, cæli, terræque voluptas,  
Tartareis terror, Gloria Cœlicolis  
Virginæ candor formæ, congesta nitorum  
Copia, Virtutum lux, Charitumque decor!

Pupula, ridentis mihi gaudia pande labelli,

Et mea diuinum lumen in ora vibra.

Spicula visus habet: ruit lumina spicula torquent,

Vulnera sed telis iuncta medela subit.

Ardentem pharetram, Virgo, in tua lumina fixit,

Flexit & in visus spicula Diuus Amor!



# MELOS SECVNDVM.



AGNI regia Numinis  
Gaudes Virgineis tñanitoribus,  
Es per ardua Cali  
Molem Triumphis Innocentia parat!  
E colliquato fidere fornix  
Fleclitur, & centum concreto è Sole columnis

Arduus insistit, rutiloque exaësuat auro;  
Mille pilas luce plena pura constat Cynthia  
Capita auricomo nectit acantho  
Veris perennis arbitra  
Immortalis Amœnitas.  
Hic multiformes Diua coronidas  
Conformat Iris discolore ductu.  
Hic fractos Erebi fixerat arcus  
Gloria noctis luce nigrantes.  
Adstant ordine longo,  
Es ceruicibus imam  
Pilarum subeunt vicem  
Immanes scelerum Atlantes, molique ministrant;  
Quos victoria nexibus  
Reuinxit adamantinis,  
Magna Virginea Trophæa laudis.  
Iam te pompa Triumphi  
Vocat Integritas;  
Age festinos molire gradus.  
Vbi Pupule venustas  
Tibi lumen explicabit  
Iam præ Virginea vilescens sidera forma.

# DIVINVM AMOREM VIRGINALIS INNOCENTIAE

PATRONVM

Canit Latinus Poeta.

FRANCISCVS OLIVERIVS TIBVRTINVS:



*ATVR*, an ore tonat? voces an fulmina torquet  
Orator diuinus Amor? sed ab igne Patrono  
Quid, nisi vocales tonitrus, facundaque lingua  
Fulgura, flexanimaeque erumpant fulmina vocis?  
Fulminat Orator, sed amabile fulmen Amoris:  
Ignea tela rotat, sed amoris lacteus ignis,  
Et ferit, & recreat; quotquot ciet ore procellas  
Fulmineus Rhetor, tot flumina nectaris undant.  
Vincit Amor; superos oratrix flamma Quiritis

Abripit, aeterni mitefcunt Iudicis ira,  
Obductusque furor sub amoris voce liquefcit.  
Senferat Integritas humana incumbere menti  
Natakem fccleris noctem, frigique vapore  
Suffundi caelefte iubar, quod ab ore Tonantis  
Traxerat, inque hominis spirarat dedala formam.  
Nafcentem execrata luem, terrasque nocentes  
Vix patrio digreffa polo feftina refugit;  
Infauflos nifus, & collabentia raptim  
Vota dolet, multa humanum per pectora turbat  
Nomen; at obffeffos odijs defendit amores;  
Iamque homines odiffe dolet. Sed concitus ira  
Sape odium mentitur amor; mixtusque dolore  
Mille trahit formas, & mille reciprocatur aeftus.  
Sed quid agat? Diuina vetant oracula terras,  
Infandumque genus. Quis Numinis edomet iras?

Om.

Omnia vincit Amor, qui fulmina sepe Tonanti  
 Eripuit dextra, vertitque in pramia pœnas.  
 Hunc adit Integritas, precibusque ad magna laceffit.  
 Diue Amor irarum domitor, pacisque repertor,  
 Numen inardescens, & Numinis alma voluptas.  
 Aspicias offusas Erebi caligine terras,  
 Et debacchantes hominum per pectora pestes?  
 Heu cara sobolis non eluctabile fatum!  
 Me decor extinctus, me caligantia mentis  
 Lumina mortalis feriunt, succisaque torquet  
 Spes animum, & primis delusus in æstibus ardor.  
 Viuit adhuc pressusque odijs sub pectore perstat  
 Gentis amor, spirant veteres mea corda calores.  
 Te supplex Diuine Calor, tua numina posco;  
 Tu potis es terras cœlestibus indere campis  
 Et stellis ditare solum; tuus omnia versat  
 Quam vinci ignarus, tam vincere conscius ignis.  
 Ipse velis; placidum reuocabit fulmina Numen.  
 Indignabundo quamuis prius acta rotatu.  
 Fleßere Diue Calor: tua sunt molimina terre,  
 Humanumque genus; mundi nec ad ima iacentis  
 Imperijs nisi prona tuis delapsa subiui.  
 Hac ait Integritas; atque addere plura parantem  
 Interpellat Amor, risuque excepit amico.  
 Excute sollicita mentis secura tumultus,  
 Et vanos ne finge metus: te nostra tuentur  
 Numina; diuini tibi militat ardor amoris.  
 Ardua spes hominum, nostroque immobilis hæret  
 Fulta patrocínio, casumque oblita superbit.  
 Pulchrrior humani species primæua decaris  
 Virginea in forma claro certabit Olympo,  
 Et radiata meo flagrabit purior igne.  
 Namque ubi te refugis repetentem sidera pennis,  
 Et supereffuso terras Phlegethonte labantes  
 Prospexi; mea cura pios exarsit in æstus,  
 Tutari miseros, & fleßere Numinis iras.  
 Cogitur interea summi super ardua Cœli  
 Curia Cœlicolum, vltices ad crimina clades  
 Iustitia exposcit, fulmenque accensa satigat;

Et iam junctis carmen cecinit: omnia primis  
 Tunc in facundas mea duxi incendia linguas  
 Igneus orator; fluxere in fulmina voces,  
 Et domitrix irate tempestas ore tonabat.  
 Subsidit furor, & diuini sospita iuris  
 Iustitia in mea vota labat; mihi plaudite Olympus  
 Supplicia exhorret iudex, & criminis ultor  
 Exutum pœnas meditatur premia fulmen.  
 Tunc aus tabulis Diui Consulta Senatus  
 Aeternis insculpta notis: quæ præscia rerum  
 Claudie inaccessis Diuina Pronæ sub umbris.  
 Hæc tibi felices reditus ad Numine plenas  
 Decernunt terras, Cæli te clarior ardor  
 Induct, ac totus tibi se inspirabit Olympus.  
 Te Cæli procures, te clari lumina mundi  
 Cinctique sideribus te Numinis aula sequetur.  
 Quo flectas oculos, comites obtutibus ibunt  
 Cælestis lepor, & diuina gratia frontis.  
 Quæ modo per terras furiales excutit hydras,  
 Aternamque luem, noctemque, Erebumque minatur  
 Pestis Auernalis, fulgoribus ista beatis  
 Iam tua præda cadet, miseroque in Tartara lapsu  
 Præceptis luciferos tollet per Auerna fragores.  
 Tunc magnum aggredieris opus: tibi seruiet artis  
 Cópia diuina; tibi Numinis ampla patebit  
 Congeries decorum; pronis tibi Gratia riuis  
 Undabit, tumidoque fluet decor Aetheris amne.  
 Ergo per offusas stygiæ caliginis umbras  
 Lumine concretam puro, cœlique micantem,  
 Delicijs formam, quæ multum Numinis instat  
 Puris Virginei referet candoribus oris,  
 Excipies felix, gremioque fouebis & unis.  
 Hæc reditus beat una tuos; hæc aurea mundo  
 Secla ciet, primoque beatius explicat aurum.  
 Una polum, & quicquid nitido præcellit in axe  
 Ore trahet; trahet una Deum. secunda Tonante  
 Ritè ancillantem sibi cernit Numinis aulam.  
 Qui te corripient æstus! ubi prima nitorum  
 In te acies inopina ruet! Cum Virginis alma

Et circumfuso radiabit Numine vultus :  
 Virgo tuas reparabit opes : humana resurget  
 Gloria, dedignata solum caput inseret astris .  
 Quare age, Virgineo celi conuexa triumpho  
 Instrue ; virtutum facilis tibi dextra laborat ,  
 Et deuota tuis famulatur nutibus athra .  
 Iam tibi flammiumum passim resolutus in arcum  
 Astrorum coalescit honor , sua lumina Titan  
 Congerit , & melius refuit de crinibus aurum .  
 Plenior exilem Phœbe tenuauit in arcum  
 Fraterna sua dona facis , quod in ore coruscat  
 Fortius abscidit , pompæque sacrauit in usum ;  
 Signorum dat Zona decus , via lactea miscet  
 Candoris Cæleste iubar : compage reuulsa  
 Diuitias superum tibi Cæli regia pandit .  
 Ergo age , Virgineos molire operosa triumphos .  
 Vix ea Diuus Amor : cum plausibus assonat æther ,  
 Amplaque supremo consurgit machina mundo .

F I N I S.

